

京口三山志

金山

金山志卷十四

丹徒周伯義編

宜興陳任暘訂

藝文七

國朝詩

夏五既望浴日樓東閣同華亭沈學子同學平原

董曲江內甥對月之作

盧見曾

揚子十篷風金山此再泊王事浹幽尋暢意周相度古
字捫蒼厓危塔探碧落瓜步下西帆鐵甕出東郭輝媚

金山志

卷十四

一

山有靈

宸翰紛煥若亭臺環面江極望窮寥廓夕暝綺霞收
跣聽鈴鐸少焉皓月上流光遠噴薄大地入空明水天
懸翠峯滉漾疑動搖一葉身何託玉虛不能從黃土不
可作引滿放高言唱酬足蓮萼舊遊廿年中俯仰成今
昨盛顏忽已衰感慨乘歡樂觴詠興未闌旃檀散曉閣
起揖焦隱君行當踐夙約

三月廿九夜奉陪高東軒節相汪裕堂少師執事

金山時

上駐蹕金山遂止宿東軒直廬用東坡自金山放船至
焦山韻
錢成羣
天家網羅日耽耽來賓江北兼江南程材同上金山寺
所希拔十得二三是時浴蠶好天氣

親標題目賦春蠶兩公位望推大匠我無玉尺中懷慚
惟將肝膽照江水要以清白盟深潭公餘飲我衡州酒
新詩索讀倚半酣檻外衛士連趾臥燈前詩人接膝談
中冷井華夜深汲呼童溫火烹雲龕復出行膳供寒具
珍果盡屬天厨甘扶輿清時秘不與卽此一憇寧非貪
金山志
卷十四
二
東坡至今八百載欲繼幽致誰可堪蜀僧已去庵尙在
願以此詩留此庵

登金山塔頂放歌

趙翼

生不能挹浮邱袂拍洪崖肩又不能隨列子御風行泠
然黃塵蹴躡日奔走安得矯首凌雲煙我過金山凡五
度昨歲始登日又暮不及憑高暢遐顧今朝乃到浮玉
之頂來遊目四矚心爲開寥空飛鳥盡在下青冥誰掃
無纖埃不知上距大羅天邊尙幾里但覺繁華磊落可
摘三兩枚海門東去望不極混茫一氣雪浪堆此中卽

是瀛洲方丈兼蓬萊，尻爲車兮神爲馬。忽如山僧出定，遊九垓，回視憑欄之我。但肉胎臨江下，瞰復殊狀塔身。如臥江濤上，儻逢罡風獵獵吹我落，不免竟入魚腹葬。振衣忽長嘯，平生空負狂五嶽。未遊一遇險，心已惶何。以更向蓮花峰頭挽鐵索，天台山。上度石梁，不見古開士。懸崖撒手凌蒼茫，浩歌未終日將夕。闍黎邀我飯香積，半龕夜借蒲團眠。滾滾濤聲撼枕席，腳力已盡興轉雄。題詩驚破蛟鼉宮，聽取天雞鳴。時擬再上要看五更日出，芙桑紅。

金山志

卷十四

三

偕沈學子陪雅雨丈渡江宿金山 董元度

生長齊趙間，未涉江湖水。欣附元禮舟，談笑渡揚子。張帆出瓜步，豁然心目啟。天水接空濛，浩浩去胡底。隔岸數點青，突兀三山峙。艤艫若輕鳧，東下疾於駛。風利忽思泊，繫纜金山趾。舍舟快登臨，逍遙陪杖履。迴望廣陵城，煙樹真如薺。

京口阻風望金山用東坡大風留金山詩韻

吳錫騏

雜坐舟人沙際語，殷勤似勸公無渡。孟婆不是強留人，

難得青山如舊雨孤蟠一塔就雲明倒捲千花掀浪舞
偶逢好景共矜惜旋盪餘波疑拗怒心知眷眷殊有情
禱以區區應默許津頭行見破帆張請賽波官齊打鼓
天上一峰落江流倒景長潮鳴僧世界鐘送客帆檣六
代空殘夢浮生奈夕陽無邊花藏海誰與泛中央

登金山

彭紹升

金山

王友亮

金山入夢已多年到此方知別有天四面驚濤翻曉日
一枝瘦塔破秋煙鐘聲半落龍渦裏帆影曾過象座前

金山志

卷十四

四

我欲妙高臺上去自拈香瓣禮坡仙

夜坐妙高臺

妙高臺上坐忽忽到更闌得月江逾大無風山自寒高
吟僧少聽清景佛長看一笑且歸臥琉璃燈未殘

除夕登金山

彭元瑞

鐵甕城高水氣浮誰將卷石障中流波搖塔影齊奔海
風湧潮聲直上樓到眼峯巒橫北固隔江煙火認瓜洲
老僧閒向空欄倚一葉看人浪打舟
仰首靈鼇踏急湍鉤連八柱水中安一年殘日行將盡

萬里長江到此盤祇有樓臺更無土未曾風雪不禁寒
焦光舊影依微在我欲凌波更往看

朱山人白江南來欲爲我畫金山坡公留帶事先
以此詩
翁方綱

蒜山一水間松林等是跣趺止觀心親見了元相對語
誰憑漢廣更追尋箭鋒機到難參偈玉峽題應笑嗣音
借叩飯牛茶畫夢欲從何處試摹臨

予游廬山玉峽見

帶處六大字羅飯牛時與漫堂同遊也未句竊以昨阮
中丞仿白香山匡廬故事於靈隱經藏度吾輩詩爲可
愧爾

金山志

卷十四

五

金山

曹仁虎

妙高臺上勢崔巍振策登臨秋色開萬里岷濤浮島嶼
九枝海日掛樓臺微茫城郭朱方近隱約帆檣白下來
玉帶風流今寂寞坡陀醉臥看潮迴
亭亭紫翠湧中流貝闕珠宮最上頭地闊魚龍時隱現
天低日月共沉浮千家樹色西津渡一片煙光北固樓
極目盛時清海戍舟航縹緲達滄洲

傑閣涵虛俯大荒南徐木落氣蒼蒼楚吳地敞連平遠
江海潮迴接混茫塔勢直凌飛鳥上鐘聲遙出亂峰旁

憑高釀酒悲天塹畫角西風夕照黃
海門東望盡冥冥碧磴丹梯次第經絕頂千盤巢鶴鶴
陰崖一線走雷霆水連鐵甕無邊白山到金陵不斷青
回首蘄王轉戰處蕭蕭荻葦滿沙汀

金山

袁亨

遠帆來片片流水去冥冥海日隨鐘起江雲護塔青煙
光橫北固秋色淡中冷只恐秋風急吹將鶴夢醒

金山寺

朱搢

煙光一片籠拳石劃破江心面面空天放藏經留釋子

金山志

卷十四

六

月邀浮玉撼蛟宮憑臨吳楚千年勝砥柱荆湘九派雄
飛錫漫言人已去經聲歷歷水雲中

第一泉效康樂體

鮑之鍾

味道橫幽經汲古引修綺真源協地靈清賞得天一南
零竄何許康谷邈難匹璇淵蘊雲腴珠潭吐星謐微液
下沉深洪流中蕩滌併罌智易竭升斗取焉出贊皇妙
品評鴻漸精撰述當時命水遞何年閔泉室清濁旣紛
紜眞贗難具悉浩浩波靡中遂令此源朱消渴非無方
養生亦有術舟虛習以坎綆短藏于密揚子津迷茫石

排山翠嶺終當問水濱相于課名實

聞華亭辛侶又暉月夜放舟繞金山一匝遙寄

誰上蓬萊頂上行羣仙夜踏碧雲輕坐臨瀕洞疑無影
敲處玻璃合有聲繞樹烏隨舟一葉出堂龍近月三更
翻嫌宮闕金銀氣不及滄波萬里清

春日江上訪黃月波遂同登金山與方丈謙公茶

話

王文治

爲訪詩人近水莊乘風便到水中央溟濛舟楫歸煙海
高下樓臺倚夕陽話舊忽驚鬚鬢改問禪可得主賓忘

金山志

卷十四

七

渴來不望金莖露但乞中泠一盞嘗

登金山

房煥台

雲亂天風起吹搖扶玉峯一青江倒影水底落芙蓉古
塔夜棲鶴寒鐘驚蟄龍坡公留帶去我醉倚孤松

金山懷古

王傑

浮玉峰頭鐵鼓鳴黃天蕩裏夜鏖兵蛾眉尙解仇戎狄
庸主何心棄父兄一片荒江終古恨數聲漁笛晚山清
妙高臺上空憑弔斜日西風無限情

金山妙高臺與朴師晚話

郭恆

月低山影峭沙暖浪紋交僧衲聞龍氣雲筇撥鶴巢上方貪久立塵夢暫能拋儻借閒房住自誅春雨茆

焦山放船至金山用東坡金山放船韻

程名世

翠微兩點昔所耽北溟已望思圖南山川肩臂況連絡肯得六七遺二三坡公來路我去路歷險不啻登簇蠶老僧留我且信宿得此棄彼吾懷慙回舟打鼓正捩柁中流逆浪乘深潭江豚鼓舞日色暝蒲帆飽挂風聲酣妙高臺已高迓客林鳥飛起驚人談齋鐘粥鼓漸聞寂

金山志

卷十四

八

禪燈影影明松龕長江自古號天塹乘風破浪吾所甘但恐舟人竊相笑一日二山毋乃貪擊楫有志事可想濟勝無具情難堪繫纜策杖漫登陟叩門且宿水月庵長風吹浪度遙岑四望空明幻碧金水助亂雲封柱足星懸裂石到天心煙高南北分江國地亘東西鎮海潯尙有仙槎通歲使山靈事待謁華簪

金山

湯格

金山

楊安濤

兀然形勝稱天塹南北中分濁浪迴孤塔半空如湧出

大江一柱忽飛來安禪不動魚龍影拒敵徒聞巾幗才
笑汲中泠招海月祇疑身已到銀臺

登金山

方正澍

年年過京口定向此間遊萬古不知地全山如在舟峰
頭雲作路水面石爲洲郭璞墳何處憑臨動客愁

登妙高臺

張琦

海門中折大江開浩浩風濤白雪堆樓閣自盤飛鳥上
淮徐爭送好山來千秋弔古空搔首二月懷人正落梅
滿地江湖雙白眼與誰同覆掌中杯

金山志

卷十四

九

金山

石鈞

龍菴嵐翠出塵埃瞥眼江心法界開山湧中流真砥柱
帆回四面盡樓臺浮圖影壓潛蛟泣仙梵聲驚落雁哀
天塹茫茫俯南北幾人能識長公才

金山寺

一柱浮空翠中流戴巨鼇樓臺凌海日鐘磬走江濤夾
岸雲煙合盤空鸛鶴高禪心誰共語吟望意蕭騷

裴公洞

陸昌祺

盤崖走卷石層折下深洞洞底日無光涼雲時鬱滃誰

遺裴公金鑿壁留餘孔遠天生商飈萬木欲搖動幽賞
未極歡茲遊苦倥傯

金山

袁乾

一柱中流峙蓮花四面開飛巖懸日月怪石走風雷夜
曙江流闊臺高鶴唳哀塵思何處着雲水任徘徊

題郭公墓

茅元輅

郭公古墓障狂瀾碑署波心百世看倒影樓臺安骭髀
挽流江漢濯衣冠水雲繞穴今猶壯金玉成墳古所難
擬取中泠泉一勺停橈奠向浪花殘

金山志

卷十四

十

放舟至金山訪唐花城 二之一

誰削水蒼玉浮來波浪間濤驚隨石漱廊轉逼風還乘
便蕩輕艇招涼喜近山唐衢真冷友早臥白雲灣

金山寺集唐

邵塾

一宿金山寺

張祐

焚香古佛前

皇甫冉

林中纔有地

杜甫

波外恐無天

周繇

圓洞開丹鼎

盧照鄰

重檐駕紫煙

王駱賓

招提精食好

戎昱

心賞獨泠然

沈佺期

登金山

高蟠石

孤嶼波心出江天混渺溟煙沉瓜步白潮泛海門青鷗

鵠盤雲健魚龍搏浪腥乘槎吾欲去秋色迴冥冥

金山觀落日

張鏐

羲和揮鞭聲隆隆叱馭直下馮夷宮餘光墮水收不得
滄波一抹燕支紅山僧苦留坐山頂嵐氣隨人着衣冷
是時天淨江無煙猶見西傾一輪整浪花堆雪山如萍
山僧破浪尋中泠松風拂拂茶欲熟倒影尙燭凌雲亭
烏飛欲沒還不沒一線啣山吞復出須臾一落千丈強
惟見江峰撐突兀江波不動天影搖人生何苦長鬱陶
一升一沉令人老東方月出明星高

金山志

卷十四

十一

金山

葛有倫

天塹聳孤岑須彌擁百尋山浮空外影潮落定中音棲
鶻聽經出潛龍向鉢吟亭前聞獨倚留我是雲心

夜坐金山放歌

沈魁然

長江西來界天碧直下天東無砥石洪濛灑氣結蓓蕾
特遣巨鼇起簪筆一峰傑立自太古彷彿閻浮化金色
婆娑老樹繞壁栽高低紺宇緣江開夜來皎月印萬界
清暉却住楞伽臺臺前急浪飛萬弩海若天吳不敢怒
轟雷激電自朝昏一柱凌空獨難挫時無江上警不必

戰鼓鳴惜少古精鐵良夜邀猿聽天水沉沉夜方靜秋
風吹我凌高頂手扶古塔摘星斗孤筇直拄銀河影石
根忽聽棲鶻驚水底復有寒鼉吟翩然黃鶴來洞庭我
欲從之扣上清中流擊楫者誰子蓬萊自有逍遙城

宿金山寺

陳熙

金碧樓臺四面開分明海上見蓬萊巖花亂灑六時雨
雪浪時轟五夜雷老鶻盤雲聞磬下蒼龍嘯月聽經回
偶登印老堂前榻寂寞何人供石來

登金山

胡式鈺

金山志

卷十四

十二

瞥眼樓臺豁凌空碧翠浮魚龍圍佛座鐘鼓送江流一
雁天邊沒羣帆日夕收六朝此臨眺蕭瑟石城秋

游金山

馬士圖

風送登浮玉扁舟破碧瀾山從吳地秀江到海門寬樓
閣飛松嶂魚龍拜石闌前賢碑碣滿晚借佛燈看

登金山集句杜工部

沈善士

東郡趨庭日金銀佛寺開滌除貪破浪披寫忽登臺路
失羊腸險江從月窟來鬱紆騰秀氣天地劃爭迴

中元泊金山

薛錦堂

竭來一塔插江心遙數名山雅號金寺接雲頭光掩映
嵐隨水面影浮沉蒜山月黑風濤捲瓜步煙迷雪浪深
獨有盂蘭盆會盛五更真个鬼神吟

嘉慶乙亥冬杪遊金山觀東坡先生玉帶作歌

陶澍

到揚兩月三渡江金山縹緲空在望山靈似與客有素
笑我路過何匆忙今朝公暇頗岑寂再若不往成荒涼
且喜晴空斂雪意天吳潛伏波不揚初從京口放船過
已覺冉冉風旌降沙明草淺水勢落倏忽一葦通輕航

金山志

卷十四

十三

山根削石包以屋屋皆樓閣翹雲窗試登絕頂一眺望
言語隱隱聞天閭海門千里但一氣坐覽遠色來青蒼
周迴窈窕歷層塔攀籐稍憇僧家房老衲持盤安玉帶
云此乃是蘇公裝玉凡廿片舊十六其四新綴由

先皇

午帶遭回祿缺其四版乾隆壬午命製玉府玉補之

摩挲一再思往事巧

偷豪奪銛鋒鋸蘧廬天地一旅舍四大何遽非禪牀空
者非空不解解鈍根口角原無妨一時雅謔成故事圖
存寶笈猶輝煌

石渠寶笈有崔子忠印公留帶圖

後來好事有祖述焦

山留帶楊文襄至今乾沒付衲子無從覓索爲收藏始

知在人不在物嬉笑故亦資文章翩然且踏下山路微
風出水搖清光

同南浦前輩登妙高臺作

石級通霄路鬱盤偶乘新霽倚闌干一從江海相和會
始信乾坤此大觀山小如人能骨立洲空有路放心寬
平生鷗鷺無猜妨分付魚龍水面看

泊金山憇山麓小院中向夕登舟偶成

金山東角崖千尺高閣憑臨一灑然石養靈根常在水
松藏古色不知年回甘且試中冷味去酷還愁大暑天

金山志

卷十四

十四

輸與山僧能不熱白雲低亞石牀眠

登舟向晚尙依依月黑江深夜氣微神怪我頑歸未得

夢傳公至蓋先飛

時與襄平節相師約晤於此

檣燈照水留山影螢

火驚風上客衣一十二年前浪闊記曾掀枕臥禪扉

金山觀日落

江 詡

山門玉帶何年留坡公游後何人游江神寂寞老僧死
祇餘落日空江浮我從南徐泝淮甸金山直與船當面
落帆直上妙高臺影立江心山不見朝陽起處天無垠
夕陽歸去波鱗鱗誰與捧出亦捧入所司無乃爲黃人

此時返照萬山赭欲沒不沒何爲者那因天水互相吞
故作淹留不肯下浮生擾擾還如夢長繩自挽嗟何用
餘霞未沒謝家山昏烏忽墮裴公洞

同石遠海登玉山樓望金山

張學仁

千里故人至山樓約共登開窗對江上浮玉勢峻嶒樹
壓崖千折雲摩塔七層妙高臺尙在不信有高僧

金山同雲溪晉卿作

周濟

層雲侵閣雨初來剪燭堪同緣螳杯莫問人間湖海士
南朝金□□沉埋

金山志

卷十四

十五

大橈甲子紀冥靈豈有神書下六丁酒陣眞堪了長夜
掌中閒煞握奇經

紅雪飄零春半時闌珊一片檻前欹冰花解續香風偈
莫悵東皇早嫁伊

去年此日沙河渡徹曉風聲撼白楊今夜濤瀧入高枕
杏花時節慣思鄉

同殷鶴村羲傅盛傳蒼錢峙中畢紫瓢集瓜洲吳

氏園亭回舟登金山分賦二首 萬涵

隔江春信老啼鶻沙岸停船柳蔭圓開徑羊求隨杖履

登樓淮海擘風煙林端翠合蒲帆破洞口香浮藥嶼連
別有瓜廬能避客竹叢轉識主人賢
中流山逆舸船歸殘客斜陽上翠微遙謝池臺容寄傲
何如江海坐忘機巖空法鼓金鼇吼廊轉春潮石鶻飛
安得南濡煮松火紀遊蘿磴筆爭揮

金山

東走岷源盡海疆一峰天遣塹靈長宮開珠貝朝龍伯
塔擁風雷護雁王潮上石簪蹲獨樹沙虛樓櫓出空廊
要津轉爲名山惜臺閣何如薜荔房

金山志

卷十四

十六

當檐嵐翠落天風對榻幽襟舊雨同津館一燈芳樹外
山樓雙笛溼雲中蕉窗響亂催詩筆鳧渚盟寒問釣篷
望去春陰高士窟煙花欲趁片帆東

登妙高臺與石大言懷

王 豫

忽抱焦桐上古臺水流嗚咽鳥鳴哀蘆花浩蕩秋將老
海色蒼茫客獨來眇目山人眞傲物烏衣公子詎憐才
騷壇漸覺知音少歌罷貧交一舉杯

郭公墓

施 峻

石小江深處傳聞葬郭公下臨無地接遙望覺天空蛻

骨今何在招魂向此中青囊先自誤愁水復愁風

金山朝陽洞觀日出歌

戴澤

妙高臺前月初墮悄倚危峰抱膝坐霏微曉露涼濕衣
海門東望晨星稀江光如練際天淨火雲一線遙相映
倏忽霞綺紛千端就中擁出赤玉盤中流但覺金波漾
偃臥銅標長萬丈驪龍戲吐頷下珠扶桑疑雜珊瑚株
羲和叱馭不可止跋烏容易騰空起吁嗟疾比走坂丸
天高欲繫長繩難百歲流光熟羊胛電曳星馳祇一霎
東升西沒能幾時綴目延眺中心悲世人高眠意閒暇

金山志

卷十四

十七

白日昏昏坐成夜百八鐘聲敲未停勞勞塵夢何時醒

夢登金山絕頂寄懷王柳村

桂青萬

天風忽滿襟吹夢落遙岑流水浮清磬懸崖生道心不
知海日近但覺江雲深葭菼蒼茫處何人調玉琴

道光辛卯六月江湖漲漫從翠屏洲避水金山寓

印月樓贈如慧上人

蒼茫古塔矗危巔卷石飛來不計年江海蕩煙煙蕩日
樓臺浮水水浮天上方寄食眞如夢下界爲魚劇可憐
一望東南民力盡雲光樹影總淒然

高處渾忘百感牽蛟龍洞壑許同眠蛾眉夜醉初三月
雀舌朝烹第一泉好句似公眞惠遠靈山卓錫本神仙
若非潮汐頻催促那信盤陀石上緣

走筆和王簀山觀察浴佛日同人遊金山

清 瑞

萬里驚濤一葉舟金鼇背上喜同遊龍宮看浴諸天佛
蜃氣遙連百尺樓西去歸雲隨樹暝東來飛月逆江流
憑高不敢重留句張祜題詩在上頭

舟泊金山偕周子埭林筏源醉後晚眺

金山志

卷十四

十八

朱 麟

落日大江紅蒼茫接太空山光明滅裏帆影有無中把
酒看長劔推篷嘯晚風狂吟不敢發龍臥水晶宮

金山

王 敏

望山惟見寺到寺卻無山黃鶴樓空在髯仙竟不還

賊平後金山

殷調元

一塔欹危長碧苔參差猶似舊樓臺名山有福開眞面
諸佛無私笑劫灰海日騰紅天際闊江風捲白浪花堆
南朝勝地知多少竟使蘭成作賦哀

金山夜月渡江

吳文溥

天近月當頭山高風滿樓半空涼露下一片大江秋燈
火明漁棹星河動客舟青冥無泊處孤興極滄洲

韓蘄王廟

秦瀛

百戰波濤舊壘空勳名汗馬泣英雄沉冤獄已成三字
絕塞人誰問兩宮南渡江山驢背雨中原鼙鼓鬢絲風
千秋巾幗還留跡拊祀荒岡廟食同

金山懷王柳村

陳斌

可喜柳村句不知何代才長江送明月仙客倒金杯幾

金山志

卷十四

十九

度相思苦征鴻獨去哀深宵呼太白一笑爾飛來

月下登金山

鄒熊

江光如練月如煙山影玲瓏塔影圓鏡裏樓臺京口夜
浪中星斗海門天上方燈暗禪關寂遠浦舟橫估客眠
黃鶴不來坡老去萬峰青到酒樓前

登金山

周紱

一從元氣結胚胎砥柱危峰矗立開塔勢逼天懸日月
潮聲到海走風雷煙迷鐵甕維城暗樹隱瓜洲古渡迴
爲問頭陀今在否只餘空洞白雲隈

謁韓蘄王廟

呂少棠

荒祠客路拜英魂往事於今忍細論
戈甲北還雷電失朝廷南渡虎狼存
臨戎娘子孤軍出鏖戰匈奴畫舫屯
最是保身明哲日淒涼少保痛銜冤

謁郭公墓

厲青照

片石金鼇側斜陽獨艤舟此公遺塚在
終古大江流潮闊海門暮林空瓜渚秋
探奇兼弔古碑碣信長留

九月一日同人謁裴公洞

張山

蒼蘚陰陰滿洞斑祖師同禮夕陽間
不知蟒竟驅何處

金山志

卷十四

二十

果可金能護此山秋響數竿黃竹古巖橫
一片白雲閒觀身未竟低徊意百慮難容
問法刪

郭公墓

談次敏

萬里江心水孤墳只一邱生原貞介節
死亦砥中流日月棲巖穴煙波拜石頭
蒹葭南北岸滿眼是松楸

次韻子超過金山作

李聯琇

金山如湧出佛座青蓮高花瓣有時謝
蒂露知根牢古來爭戰地腥浪輒復跳
太息中泠泉五載供磨刀池非洗龍伯塔
亦安臬巢猶賴虞允文截海橫飛舫

謂張總統殿

仲冬十三夜烈燄揚嚴飈大舉拔鯨牙如愬入蔡宵江
流何湯湯武夫信滔滔旣復潤州城進兵再麾旄笑飲
建業水滅此期同袍環攻力欲併別路鉦偏敲安能化
身百四掃狐兔驕軍勞日虎鷓寇蠹仍蠻獠鍾阜豈不
偉草木青纏妖近者浙東山一炬焦原燒仙露縱仙境
險梗難通樵警諜況未已傳到心旌搖區區下水府導
江自南條奪還僅此耳山意終無聊驟如富者貧壁立
清塵囂金罄已垂橐名尙沿前朝我儕如郭隗不以金
見招望望然去之孰戀水一瓢且繹桓温言去飲京口

金山志

卷十四

二十一

醪木瓜酸可愛林澗空騰嘲

金山德持長老餉中泠泉水

憶登靈阜飲石井天下七泉知第三丹陽玉乳慧山穴
過而不問心懷慙況慕中泠首屈指舞箭他樂不敢參
煎茶夙記又新語劉論陸論俱研覃平生所嗜縈夢嚙
安肯交臂踰江潭惜哉風帆下揚子浪花酣寢如僵蠶
金山瞥若麴車過涎流誰與傾酒甌煙中一葦載僧至
肩經誦偈方喃喃杖頭側挂是何物雪腴新汲盛滿壘
自言劫後乏生理無客來共彌勒龕妙高臺空蔓荆杞

留雲亭豁薪楓柵蕪田得雨春甫種幽竇瀉瀑波仍含
所喜沙洲盆成岸直連城路通駢驂官人肯游願前導
剪葳新葺三間庵我實無意顧荒嶺但飲此水餘何貪
曹溪一滴是禪味嬾將宗旨論北南地脈真推潤州闊
寺名不數甘露甘獨憐器小未多貯隣舫何以分清酣
吾家文饒昔嗜此託使遠致行趨趲誤貽石頭城下水
一嘗卽辨由深諳僧從山來取山髓袈裟猶帶紫翠嵐
招客恃此豈見給不勞符竹嚴稽探忽思此水伏江底
鰕鮠避影天光涵流水織文響如瑟恰悅只可供瞿曇

金山志

卷十四

二十二

若求其賞向塵界名高未必充饑婪笙竽酒炙快一餉
瓢飲淡薄誰其耽迂儒差異肉食鄙嚼字五蘊生紅蟬
詩腸津灌噴雲霧如芸辟蠹飄縑旒慧泉玉乳去更訪
浣塵一路尋精藍此腹不負亦至幸吾舌尙在皆能談

同朱鳳樓登金山浮圖

歐陽蘇

危岩寶塔白雲蒸偶伴幽人把臂登宇宙端倪供指點
江山氣象足憑陵煙連吳楚忘夷險地憶齊梁感廢興
欲盡南朝好風景與君更上最高層

石簾八景

魁玉

雲根石

片石拒中流，怒潮撼孤島。江上古雲根，化作數峰巧。

舞蛟洞

風吹水氣腥，知有潛蛟宿。雲雨待何時，知非此中物。

剪濤石

臨江橫片石，截然擘岷濤。匹練忽分開，快比并州刀。

折葦汀

隻履竟西歸，江雲平似掌。折葦作慈航，誰謂秋濤廣。

夢魚墩

金山志

卷十四

二十三

臨流豈羨魚，不在得失間。一覺臥沙墩，夢狎羣鷗閒。

夕陽城

夕陽翻石壁，波光紅紫炫。好景晚來多，莫愁黃昏近。

問龍潭

水府有蟠龍，陰森深不測。夜靜腥雲生，不敢宿潭側。

梳羽巖

沙鳥浴春波，巖頭梳羽處。待得好風來，高飛雲漢去。

金山

萬派銀濤四面環，樓臺層疊隔塵寰。纔知靈島鼇能戴。

剩有珠林鶴未還
漁火遠浮瓜渚外
鐘聲遙出海門間
參禪同訪坡仙跡
玉帶長留鎮此山

登金山妙高臺

羅志讓

暮春携酒獨登臺
陳事淒涼無限哀
亭接幻吳山北向
雪消巴蜀水西來
前朝松柏根都拔
故里榛蕪手爲開
邱壑依然佳氣在
定知棲隱有奇才

寇退望金山感作

江發岷峨接混茫
金鼇偏在水中央
僧樓瞰日凌滄海
佛塔穿雲控大荒
用武韓公兵已朽
參禪坡老跡難忘

金山志

卷十四

二十四

祇今瓦礫盈獅座
又報

朝廷賜瓣香

金山吉中丞祠歌

吁嗟乎江山之壽誰與俱
千秋忠蓋爭斯須
吉公奉命來東吳
手提鐵鉞丈二笈
要斬深谷虎與羆
忽然大將蹶郊郭

總兵虎嵩林屯
牛馬灣被圍

戈矛壓陣叢萑苻
中丞振臂

而一呼重圍突入彎
天弧鳴梟夜叫烏
尾通大星墜地

光模糊中丞不惜千金軀
乃與劉公一旦徂

中丞率太
守劉存厚

救牛馬灣之官軍痛哭忘朝舖
閭閻墮淚無處無事聞

圍救牛馬灣之難

先帝慘不愉下

詔立廟江之隅喬公李公籌策紆陝西巡撫喬公首倡捐廉寄書吾郡太守

李公亦同捐廉謀爲中丞立廟皆中丞舊僚友也上書金陵與姑蘇公侯方伯

同嬉吁中堂毅勇侯曾公肅毅伯李公蘇藩吳公觀察英公皆共捐廉以藏建祠之事見義必

爲眞丈夫鳩工庀材煥金鋪美哉輪奐丹漆敷坐鎮名

山神歡娛饗以俎豆連金壺總幃玉座環靈巫衣冠殿

宇凌晨趨魂兮歸來降清都

登金山遠眺

褰裳涉浮玉四顧臨大荒瞰彼神禹跡天塹流湯湯海

金山志

卷十四

二十五

舶騰炎煙來自東西洋登覽情未已跼蹐心憂傷楚水

旣紆鬱吳山亦微茫中有億兆廬何由致富強潛心思

保又輾轉以迴遑日落歸去來睠壞安可忘

金山鶴羽亭偶憇

危亭峙山巔櫺檻一何綺舉手摘星辰低頭瞰江水幽

客動遐心僧語悟禪理畫角忽飛聲白鷺一雙起

病起登妙高臺書事

許芳

清晨扶病獨登臺亂世功名念已灰如此江山須放棹
無多歲月且銜杯李陵不向關中老回紇猶從海上來

近讀治安三上策教人空憶賈生才

江心鑄鏡歌 并序

荆福備

李肇國史補揚州舊貢江心鏡五月五日揚子
江中所鑄也新唐書地理志貢伏牛山銅器伏
牛卽金山古鑄鏡必於江海上故背多波濤魚
鳥紋唐時鑄鏡於是

水心鏡光皓皓此鏡傳自唐天寶製形奇巧疑鬼工背
紋蜿蜒雙龍抱雙龍抱莫漫持傳聞此鏡將鑄時元冥
龍護來何奇素書一卷遺陸離移書江上光燄馳青銅

金山志

卷十四

二十六

在冶火騰赤水底老蛟潛匿跡鑄成一鏡樣團欒揚子
江心浮月魄浮空寶光吐乃自揚州貢天府大旱因之
祝霖雨祝霖雨鏡有神曉收莫照如花人雙龍噓氣隱
屈伸秦宮照膽孰比倫安得此鏡化萬億共作甘霖濟
下民

舟中望金山

楊文鼎

天外一峯明斜陽頽霞糝碎金碧光山腰隱隱見樓觀
活翠如雨交松篁妙高臺前古僧屋曾坐峯陰掃金粟
匏壺細啜中泠泉夕磬初鳴返樵牧當時有願來結廬

朱顏飄泊誰憐余且將破浪乘風去回首名山隔翠虛
舟泊金山
楊文慶
極浦收帆倚碧天斜陽初斂一江煙浪遊久辨名山笑
遠客唯憑少婦賢沙上火明溫酒竈蘆中人語夜漁船
昏燈照醒還家夢身世茫茫悄自憐

遊金山乘月與隱谿山人看菊
楊鳴相

妙高臺前沙月明乘興遂踏莎隄行凌風忽覺酒懷起
月照酒徒偏有情幽人茅屋溪流淺高柳籠煙星數點
半林落葉啼驚鴉夾岸疏籬吠寒犬稚子候客關煙扉

金山志
卷十四
二十七

中庭月抱雲霞飛千枝菊影百行燭此身忽被花光圍
花恰齊開月輪正鳳舞鸞翔綠雲襯九天仙露九秋霜
一籬花色俱鮮潤瘦瓢量水烹竹鑪茗華湛湛青天鋪
此時萬籟俱屏息月氣撲人眉宇虛主人忘倦客忘返
江寺沉沉響漁板搖搖斗柄插江心雁叫蘆汀一聲遠

登金山
劉炳勳

躡足金鼇頂憑高豁遠眸湖平天塹闊風靜海門秋煙
景三山共江光四面收坡仙留玉帶我欲繼前遊

舟次金山阻風

扁舟遙自抹陵來
煙雨微茫障不開
剛到中流帆力轉
天風邀我上蓬萊

中泠泉

王煦

名泉誰第一
亂石浪花中有客
夜移櫂寒生江上
風深藏從地底珍
重到天公卻笑江頭水
猶難味與同

過金山 三之一

姜朝元

朱闌曲曲倚雲開
清淨禪關不染埃
我有名經難問佛
一舟撐過大江來

金山寺

陳環

金山志

卷十四

二十八

入舟三日始見江
舟行如在江天外
蒲帆片葉下中流
東南拳石當空大
榻來繫纜綠楊陰
選勝曾無拜佛心
未脫三千塵外劫
空餘八百定中音
坡仙玉帶渺何許
塔頂無尖鈴不語
十年烽火照嚴關
八郡笙歌幾焦土
翠華想見巡游日
不見磨崖方丈石
居人流涕說中興
巖兒點綴青山色
無事因人信宿留
携兒數上碧峯頭
老人未饜看山目
願續他年拄杖游

金山

楊保貞

琳宮焦土賸雲根
玉局留題杳莫存
名士名山同不朽

何須玉帶鎮山門

金山

虞 溶

縹緲懸金碧中流砥柱尊天空誰鑿塹海闊此爲門塔
映魚龍舞潮隨日月奔蘄王經戰處想見陣雲昏

光緒十九年癸巳秋七月可莊郡伯量移蘇州郡
人士公餞於中泠泉亭蓋君所創建也旣別因
追述郡民依戀之忱作詩三章送之以紀實政
且永去思

韓弼元

京口夙蕃庶閭閻鬱相望一自遭寇警四境多荒涼元

金山志

卷十四

二十九

氣久未蘇況連丁旱蝗青草亦已無遑問餼與糧五馬
自

天末奉

命活瘦氓^叶首請

太倉粟次徵富室藏吾民旣獲飽善後次第詳勸民勤
樹藝教民修陂塘積穀備不虞一一籌久長今年麥大
熟民氣乃復揚

使君來何暮使君去何速政成膺殊遷首途將戒僕多
士聞君去晨夜幾罷讀農夫聞君去村村同聚哭工賈

聞君去閤市焚香祝兒童及婦女呼號相追逐僉曰慈
父去吾儕恐不育惜君欲留君我語民勿瀆使君有陰
德高升當鼎足漢曹全碑君豈惟庇一郡千里將蒙福
賤子辭朝籍林臥三十年足不踐官府懶與冠裳緣芻
蕘蒙下詢感君意拳拳遂忘一得愚兩載相周旋扁舟
渡大江餞君中泠前經營始自君有亭何翼然酌君泉
一勺不敢羅腥羶君澤深以遠泉流清且漣斯泉亘萬
古君澤偕綿延後欲繼君者盍觀中泠泉

兵燹後尋東坡閣舊址

許長齡

金山志

卷十四

三十

余幼在東坡閣讀書癸丑亂賊踞此山山寺焚
燬一空後視爲長江險要復築壘守之己未秋
余返至別墅急登山一覽見舊壘猶存滿目蓬
蒿而已遂感賦此詩

憶昔太平時讀書此高樓松翠入書幌梧桐庭院幽山
僧藏寶物東坡玉帶留忽然遭兵燹海上聞鼓桴青山
銷劫火長江空自流斜陽照古塔舊壘暮煙收江聲山
石落帆影海門秋登高一憑眺蘆荻滿江洲

江天寺

東去大江水孤舟一葉輕空山新月白古寺晚鐘鳴潮
落濤聲急霜寒客夢驚蒼蒼天一色雁字幾行迎
青山看不厭終古此江流水近橋添石窗低月滿樓海
門潮落夜塔影雁橫秋隔岸漁舟宿蘆花又白頭

秋夜登金山絕頂

蘆荻晚蕭蕭禪關靜寂寥江流憑石撼山月舉杯邀心
曠空天地詩成轉斗杓一聲長嘯處驚退海門潮

兵燹後訪玉帶橋舊址

蒼茫流水大江東策杖重尋古梵宮野草迷離山色翠

金山志

卷十四

三十一

夕陽依舊寺門紅惟餘磴道峯巔聳尙有清泉石罅通
玉帶而今何處在千秋遺蹟笑王公

冬晚游金山

寶鎮山

走馬金山曲徑斜江流久已漲成沙登臨不盡滄桑感
一帶疎林噪晚鴉

宿金山

釋隆潔

日暮煙江碧潮聲上釣磯月高疎磬落雲動老龍歸暝
坐聽鴻雁遲眠憶蕨薇不知今夜裏誰掩故山扉

登金山

釋然修

蒼茫落日下藤蘿身在荆關畫裏過飛去斷雲雙白鳥
浴殘寒日一青螺蘄王有廟疎煙冷郭璞無墳亂石多
千古寂寥俱莫問且聽江月送漁歌

甲申初登金山感懷

四之二

釋海岳

亂離身世寄孤藤只此金山見廢興飛去煙雲誰解惜
添來碑版恐難勝江經戰伐形全改人對風光老易增
四十餘年悲再到顛毛空說雪層層

霸業消沉劉寄奴妙高臺上動狂呼遙天豈肯隨江盡
萬派應知到海無蕭瑟暮煙橫鬢策微茫春水染菰蒲

金山志

卷十四

三十二

登臨老去存筋力竹杖携來不用扶

金山

釋懶愚

孤峰突出迅流中一柱高擎隱梵宮返照霞光蒸几案
當窗帆影拂簾櫳隔江看月天相似兩岸聞鐘地不同
閒坐蒲團修靜觀日輪遙映晚潮紅

金山賦呈鐵舟法兄

釋行杲

江流如駛片帆開眨眼峰頭萬象陪落葉半庭秋欲老
吹簫別館暮何哀風迴北固迷陽雁石迸蛟龍滾地雷
賴有德雲知己在搯筇更上最高臺

和南澗老人韻

釋行海

千流裂破嶼如拳橫鎖長江浪裏煙標月平分山月影
撥雲惟露水雲天應知有榻舒三禁最愛無塵落一泉
幾勒伏牛回海渚寶王親現度人船

山居

雲頂棕團坐翠岑海門空闊列高嶽三山氣槩雄寰宇
六代人文冠古今玉帶輸留名寺重金峯橫踞澤波深
孤懷試詠前賢句石長寒潮又幾潄

人世炎涼總不關此峯消受此心安空中樓閣開圖畫

金山志

卷十四

三十三

窟底蛟龍護石壇千葉含苞同日長一枝藏蘊耐風寒
無才自覺身宜朴篤志寰中守大端

重建大徹堂

卷石鷲峰脈疎林古法筵樓臺環水面亭塔出雲天莫
道此山小能迴萬里川浮幢重建立勉繼後來賢

開堂日擬宋端明學士韻

撞動玉樓鐘七眾五千指徘徊復警欬頻伸示故里獨
露主和賓雙顯父與子儼若靈山會承恩澤國裏練江
及中泠本是一源水琉璃碧波清洞開八面美

次唐張祜韻

釋明銓

萬古中流地一山南北分江空龍吸月天靜鶴盤雲塔
影層層見鐘聲面面聞春風花笑日遊子醉如醺

金山菩提樹紀事詩

并序

康熙六十年春江寧織造曹公賚送

聖祖仁皇帝御賜菩提子二顆敬種於本山浮翠樓前
至雍正元年夏五月始長二株葉榦扶疎青葱
可愛因感

聖祖遺澤使中流寶地萬世而下猶得仰瞻

金山志

卷十四

三十四

慈蔭豈偶然也恭紀小詩以昭不朽云

西域傳來萬里長

九重頒賜荷龍光名山乍灑

堯天澤古剎新飛佛樹香千葉婆娑成世界一花持證
壓羣芳菩提粒粒成珠日千載禪宗感

聖皇

登金山

釋復顯

一葉乘風破浪開登山更上妙高臺亂雲時復生虛壁
疑有蒼龍聽法來

登金山作

釋行羣

海天曙色射東溟
晴日和煙染翠屏
山勢平分雙練白
天光倒浴一螺青
塔舍利雲俱活窟
近口龍水亦腥
笑指老僧乘舸慣
怒濤深處汲中泠

晚坐金山和惟一先生韻

釋心明

危峯不可上山半
坐空亭古塔穿雲白
秋江帶樹青波
搖兩岸火帆挂一天
星爲問東西棹如何
竟不停

金山懷古

釋戒顯

無事閒過九里村
三山遙占一江尊
勢從鐵甕分瓜渚

金山志

卷十四

三十五

力爲金陵控海門
貔虎樓船橫上郡
蕭梁宮殿冷中原
道人重借蓮花榻
二十年來感慨存

登金山和唐韻

釋實雄

登臨江閣迴萬里
望中分遠浪連巴樹
低帆亂楚雲忘
機馴鷺集說法老龍
聞不盡滄洲趣烹泉
對夕曛

登雙峰絕頂

釋今釋

靈峰奇秀鬱黃梅
翳祖當年鐵杖開
簇翠中藏龍象窟
轟天雙湧妙高臺
一枝石筍穿雲出
萬里江光破浪來
此日曠觀眞到頂
虛空背上嘯如雷

裴公洞

釋 超 智

石屋崩厓到最艱白雲棲老此巖間裴公一去無消息
夜冷蒼梧月一灣

蘄王廟

樓艫當年戰碧波百年南宋借公多近人一拜蘄王廟
千古英雄自不磨

金山

釋 超 法

突出波心寺金山名已傳鐘清瓜渚月樹老鐵城煙雙
塔分今昔層碑續後先凭欄舒野況萬里一江天

金山志

卷十四

三十六

晚眺金山

釋 超 信

乘興登臨俯碧湍潮生日落大江寒千年古寺波中出
兩岸青山畫裏看

金山

釋 超 宗

金鼇背上卓瓊樓勢壓江南四百州箕踞妙高間品調
片帆橫截海天秋

金山

釋 超 定

萬派奔流處天然插一峰詩存今古蹟徑藉水雲封帆
影飛晴樹潮聲錯晚鐘幾回清夜望明月抱游龍

金山

釋超宏

蕩漾波中突一峰江干遙聽暮煙鐘移舟拍浪桃花細
古寺宜春塔影重嵐氣催雲歸海嶠潮聲洗月入簾籠
蒼茫極目無涯際疑是蓬萊作梵宮

金山

釋超還

四面山如畫危樓倩月支龍吟風雨夜僧定晚鐘時塔
影翻濤亂雲聲出樹奇古來登眺者張祐有傳詩

金山

釋寂學

一點青螺涌芳名冠六朝乾坤迴砥柱今古耐風濤岸

金山志

卷十四

三十七

闊橫舟楫波深卓玉鼈每從閒處望逸興動詩豪

登金山絕頂

釋行演

中流絕壁倚雲孤秀入青冥儼畫圖八部蛟龍纏砥柱
半天鸞鶴指仙都江聲浩瀚成今古山色空濛乍有無
獨上妙高臺畔立眞疑濯魄在冰壺

金山

釋行宏

獨上金山寺煙波湧上流須知眞法海直似小瀛洲一
塔巍然立孤峰儼若浮我來重眺覽坡老帶應留

金山晚渡

釋德衡

小艇乘潮渡中流載月歸深林人已靜清磬一聲微

山寺初冬

南國冬猶暖楓林尙未凋平田鴉陣起高岸水痕消山
晚雲留坐書餘鶴見招勞勞江上望多恐愧漁樵

春日步湯先生讀書多寶樓原韻

小樓臨峭壁側近妙高臺春色渡江近潮聲繞檻來疎
疎遙岸柳淡淡隔溪梅鎮日風中坐吟懷冰雪開

黃鶴樓

釋際聖

粉壁嵌空石墨淄遊人到此總題詩風前黃鶴渺何處

金山志

卷十四

三十八

祇有江雲拜呂師

浴日樓

飛瀾側面看東溟橫截南山作翠屏夜半鐘聲催日起
朝霞不許海天青

和王柳村先生金山

釋如慧

君坐春風不覺寒偶經水國白雲端請登鼇背觀滄海
那羨江洲理釣竿

金山志卷十四終